

Mataió 1



Lá okago, izegipalagi minatotí ikani
5-a ale ahulokago, Ómasímo ageló
Gapelienima goha amiselekago
Galilaia mikasiuka Nasalete
numutoka vimó. Neneloka
izaina vená makó minamó,
agulizá Maliá.



Eza nene agulizaki ve napa Tevitini agapilamó
zuhagutí ve makó minamó agulizá Zosehé aí áni
milimikago minamó. Loko nogiligo, agelómámo láa loko
lo amimó: Maliazo geza gehelele vizemino. Ómasímo
geí ániokago lamaná okave. Gelenape. Geza
izegipakagi minoko gipa getatanimó nene agulizá
Izesú ave loko molozo. Eza nene sipisi ve loló oko
noiko Ómasímini gipalave liki linigave. Itó Guivahani
Ómasímo nene avolaho Tevitini akilí ale hitomikiko
minanogo ive. Itó mino lúaló moloko Zakoponi
agapilamó zuhaloka gizapa oko minanogo ive.
Guivahani loló oko minatimó nene asú amoko gamena
hána hána mino-loko voko minanogo ive.

Loko agelómámo lokago, Maliá láa loko lo amimó: Neza vánegi apizeko minamusive. Nenemú nolani gakó nene nana oko alévolé itive.



3

Loko lokago, ageló nenémo láa loko lo amimó: Ómasímini Sikalahulímo geí gumupiló liminogo ive, itó Guivahanímini zámuzámo hize lé ogetanogo ive. Nenemú gipa getatanimó nene etó keké vizeko noi gipa Ómasímini gipalave liki linigave.

4

Maliá nene mino hána amike Zutaia mikasiuka agokaloka numuni makó minatoka iteko vimó. Iteko vike Zakaliani numukú itike Elisapeteni geké lotamó. Geké lomikago, Elisapeteni mulunagutí izegipalama ziginí igo gilimó.



5

Gelekago, Ómasímini Sikalahulímo nene Elisapeteni agikagú lemeko vaí okago, gakó napa like láa loko lo amimó: Ómasímo eza vená mukikutí gelémo etó ike nónohá zegimikave, itó izegipa getatanimó nenegi lusa gemikave.

6

Izesu Kilistó utó itímini mogonáa láa oko neve. Izolaho Maliá nene Zoseheni ánigi milimikago ve aleve amasike hotopotó minasimó. Niasigo Ómasímini Sikalahulímini zámuzaló Maliá nene izegipa agatupagi minamó.



7

Minokago nene ánigi milita ve Zosehé nene monolagi ve minamó nenazo, nenemú nene ahulotatomóza, vegená kogovisaló ahulotatomó nene avoza helekatize, legesó oko nene ahulotatove.

8

Loko loake agata gelekago nene, Guivahanímini ageló makolímo vamotoka utó o amike láa loko lo amimó: Zosehé geza nene Tevitini agávolagamaka, venaka Maliani nene alitohe alemitohe loko nene gagata giliko gena givisemino. Izegipa agatupagi nominamó nene Sikalahulímini zámuzaló neve.



9

Eza vegenala zuha nene golesa netalímini nagakutí gologí oketatimó nenazo, minoko gipala getatimó nene agulizá nene Izesú ave loko molatane. Ámina agulizalímini mogonáa nene gologí olimiaká ve. Láa loko vamotoka lo amekago Zosehé nene oteake, Maliani nene numunagú alémoko itimó. Ve aleve oko minoaká nenéminiki minamasike gipala getamó. Getokago Zosehé nene agulizá Izesú ave loko molamó.

10

Gamena nene zupa Loma vetini agulizaki ve napa minamó, agulizá Agustó. Eza numutó namató vegená kugulizá alilo loko gakó ahulokago vimó.



11

Lá niago, vegená mukí nene lugulizá alitave liki avóikini gotó apáitoka viká viká niago, Zosehé eza agulizaki ve napa Tevitini agapilamó minamó nenazo, eza ámináminoko Galilaia mikasiuka Nasalete numutoka minatotí ahuloko Zutaia mikasiuka nene Tevitini gotó Apatoka Petelehe numutoka itimó. Noitike ániigi milita vená Maliáma izegipa agatupagi alémago vasimó.


12

Viki minasike izegipala getati gamena alitokago, venoni vegenalitini akiaká numuni gikí okago, olovó zikasike pulumaká izatini numukú itiki minasike, ...



13

... ganá gipala getoake, gotunú asapú omiake pulumaká izatini nosánetá kimiaká lapegú molomikago ako minamó.



14

Lá okago, ámina mikasiuka ve lugáa nene holugúnaka gihisiló minake sipsip izáiniló gizapa iki minamó.



15

Lá niago Guivahanímini ageló makólímo keitoka utó noigo, Guivahanímini lapanalímo hize sata omikago, kehelele vizimó. Lá okago, agelómámo láa loko lo kimimó: Gilinahe. Neza gakó lamaná aleko nolumumó nenazo, lekeza lekehelele vizemino. Nenémini gihiláa nene vegená mukitoka utó o likimiko mulutikú agila guluma inogo ive. Itínasa lukugutó viziti ve Guivahani eza gologí oleketative loko lo mololeketa vema nene Tevitini gotó numutó utó o noive. Itó anosa makó lo likimitoze, gililo. Izegipa namuni makó nene gotunú asapú iki izatini nosánetá lapegú milimikago akonoize, viki ángalo.

16

Loko lo kemekago, galinali ageló vegená mulusi napa nene okulumakutí limiki kigivéipo minató alegesá iki minake Ómasi agepoka ...



17

... lake nama láa liki lamó: Logoliza vizeko okulumakú Ómasi agepoka litune. Mikasiuka Ómasímo ángigo amu hili vegenatoka hulu utó ino.

18

Liki ageló vegenámate liake atiginá iki okulumakú itikago, sipsip izaló gizapa ve keza láa liki ligili hagili amó: Leza Petelehe numutoka vinake Guivahanímo gakó lo limitímini gihila ángigtune.



19

Liki liake litá iki viki Maliako Zoseheko kilími utó iake gipa namunima pulumaká izatini nosánetá lapegú akonoigo ángigamó. Ángiake, agelómámo izegipamú lo kimi gakó nene aveté iki li kememó.

20

Heloté nene agulizaki ve napa loló oake gizapa noigo, Izesú nene Petelehe numutoka utó imó,



Zutaia mikasigú nene. Gamena nene zupa nene ho noititokatí mikasi mulalokatí sonohí mogonáa gili vevesiaká a ve makó nene Zelusale numutoka amó.

21

Iake nene loká iki Zuta ve lekélí agulizaki ve gosohá nene hí apatoka utó ive. Leza numuteloka ho noitiuka nene utó itímini sonohila okulumató nego ángokunike gupá ze amitune loko nene noune.

22

Liki nene gakó li amikago nene, geleake, Heloté nene sonohí mogonáa gili vevesiaká a vema asugunatoka kelémo nupa oake, sonohíma apí oko utó itotí gamena nanakí vive loko loká okimikago, nene gamenave liki legesó iki li amemó.



23

Li amikago, Heloté nene láa loko lo kemeake kimisilimó: Lekeza nene Petelehe numutoka viki amuza miliki vitagá iki alími utó iiki iki li nimitaze. Iki li nimikiko, neza vinake ámináminoko voko gupá ze amitoze.

24

Loko lokago, nivago nene, numúitoka ho noititoka ánga sonohíma utó oake nene, ale goí imó.




25

Ale goí oko vike nene, izegipa namuni mina numuni veletó oko hizekago, ángiake, mulúikú lamaná giliake nene, numukú itiake ángimó nene izolaho Maliaki niasigo, ángiake kalapusa hiziki izegipa namunima gupá zi amiake góini agepáa ali vatá iake áminagutí nene henokanoni lehizitamó. Henokanoni nene goli gehani itó lokila anuvavagi iteaká i netá itó anuva hilina lamaná nene lehizimiake, akinago nene, Ómasímo nene vamotoka láa loko lo kimimó: Lekeza nene Heloté noigo ángiake anite gapoló vamiki haitó gapoloka atiginá iki viki numutitoka vi anititaze. Loko lo kemekago nene vamó.

26

Nivago nene, Ómasímini ageló makolímo Zoseheni nene vamotoka utó o amike láa loko lo amimó: Helotéma gipakamú nene vitagá oko ale utó okoko nene apilitove loko lokamó nenazo, geza litá oko otekoko izolahiko gipalago



nene kelémoko Izipi mikasiuka viki minataze.

27

Viki niiki nene, nénisi gakó litokumukó gámeme iki gili minataze. Loko lokago, Zosehé nene litá oko oteake límugusigú nene izolahiki gipalagi kelémoko Izipi mikasiloka vamó. Neneloka viki niago Heloté nene hilimó. Lá okago, Zosehege atiginá iki Isilae mikasiló vamó nene hanuvamú negopa Ómasímini agepagutí gakó loaká ve makolímo gipáne nene Izipi mikasiuka minokago sele lo amutó noave loko Ómasímo lo ami gakó luhuva gizamó nene alévolé itive liki atiginá iki vamó.

28

Itó Heloté nene velesá helenamike sonohí mogona giliaká a ve nenete agoka viziake vakumú nene izapaló molamó.



29

Izapaló golesa molokago nene, gimisigi ve nene kimiselekago, keza nene Petelehe numutó itó apá alitokagi numutó namató mihina mihina iki nene izegipa namuni gipagó kilisimasi losi ali ahulinamamoláa kipili asú amó.

30

Heloté helekago nene, Izipi mikasigú Guivahanímini ageló makolímo Zoseheni nene vamotoka goha utó o amike láa loko lo amimó: Gipaka apilitove loko li vema mota helekave. Nenemú geza otekoko izolahiko gipalago kelémoko



Isilae mikasiuka atiginá oko kelémoko vozo.

31

Zosehé nene gakó makó láa loko gilimó: Heloteni gipala Akelaó áisi nene amelahini akilí




hitoake, Zutaia mikasigú nene agulizaki ve loló oko noive.

32

Gakó némika liki likago geleake, Zutaia mikasigú voko minatikumú alegesá ligimó. Alegesá legekago nene, vamotoka gakó makó gilimó. Geleake, Galilaia mikasiloka nene apá makó agulizá Nasalete neneloka voko minamó. Lá okago, Ómasímini agepagutí gakó liaká a ve keza Ómasímo amisilitove loko lo mololeta vemú Nasalete veve liki litave liki lina gakó nene alévolé imó.

33



Ómasímo numutó namató vejená lelikumú milumavate gilimó nene napa napa nego gipala hamokó lehizeletamó nene aikumú gili alévolé ita vejená keza latila amiki alévolé kemetamenigi minanigave loko lá imó neve.

34

Loma 3:23 Mukitoka netá golesa alunikeve loko gonanalivagi lapanakú vo holosá amune.

Loma 6:23 Lihima netalímini meinava nene heleaká neve. Itó Ómasilokatí nasahilí hagitana lehizelimiaká noimó nenémini gihiláa Izesu Kilistotoka miní ameko alévolé lemetameni alinogo une.

Hipulu 9:27 Vegenalita gamena hamokó hilitune loko itó alikáa lihimatemú goní inogo une.

Epeso 2:8,9 Gilinahe. Eza lugutó vizimó nene aí nasahilitunú neve, itó Izesunimú gele alévolé unimómave loko neve. Nene lelí amuzatunú nomive. Ómasímo hagitana lehizeletamó. Nana hoza ale minuko nenémini oletamó neve. Nene ma nomive. Nenemú lugupe aleko iteakaláa nomive.

Loma 10:9,10 Láa loko lo utó oaká nounge: Izesú nene není Guivahaníne noive loko gegepatunú lo utó itanimó, itó Ómasímo nene Izesú heleneikutí alémo otimó neve loko gigikatunú gele alévolé itanimó nene, Ómasímo gugutó vizinogo ive. Ligikatunú gele alévolé itanimó nene, lihimate asú olimikiko minanogo une, itó legepatunú nene Izesuni agulizá lo utó itanimó nene, Ómasímo lugutó vizinogo ive.

35

Zoní 3:16,17 Ómasímo numutó namató vejená lelikumú milumavate gilimó nene napa napa nego gipala hamokó lehizeletamó nene aikumú gili alévolé ita vejená keza latila amiki alévolé kemetamenigi minanigave loko lá imó neve. Gipala nenémo mikasiuka vejená lihima kimitove loko nomive. Kelémo kugutó vizitive loko Ómasímo amiselekego limimó neve.

1 Zoní 5:11-13 Itó gipalámini mogona hize lé oko gakó limó nene láa loko neve: Ómasi eza alévolé lemetameki minoaká netá ale utó molo limimó, itó alévolé oko minoakalímini mogonáa nene gipalaló neve. Ómasímini gipala ali gikitiki minata vejená keza alévolé kemetameni alikamó neve. Itó Ómasímini gipalaló gímizema vejená keza alévolé oko minoaká nene alemave. Ómasímini gipalamú gili alévolé inamó lekeza alévolé lekemetameki minoaká nene mota alenoune liki gili seketigí iki gilitave loko luhuva imane gizo nolukumuve.

36

Mataió 1-2; Luká 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Alekano Bible (gah) © 1986, Wycliffe Bible Translators,
Inc. All rights reserved.

<https://live.bible.is/bible/GAHPNG/MAT/1>

©2024 Bible for Children, Inc.

www.M1914.org www.bibleforchildren.org

37